

D.R. 28/2004

RANG UNDANG-UNDANG
KONVENTSYEN SENJATA KIMIA 2004

SUSUNAN FASAL

BAHAGIAN I

PERMULAAN

Fasal

1. Tajuk ringkas dan permulaan kuat kuasa
2. Pemakaian Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya
3. Tafsiran
4. Undang-undang yang mengatasi
5. Inspektor Kebangsaan

BAHAGIAN II

PIHAK BERKUASA KEBANGSAAN

6. Pihak Berkuasa Kebangsaan
7. Fungsi dan kuasa Pihak Berkuasa Kebangsaan
8. Jawatankuasa Pihak Berkuasa Kebangsaan
9. Pewakilan fungsi dan kuasa
10. Kuasa Menteri untuk mengeluarkan arahan
11. Penggerusi Pihak Berkuasa Kebangsaan
12. Penggerusi sementara
13. Mesyuarat Pihak Berkuasa Kebangsaan
14. Pihak Berkuasa Kebangsaan boleh mengundang orang lain menghadiri mesyuarat
15. Setiausaha kepada Pihak Berkuasa Kebangsaan
16. Penyediaan kemudahan oleh Kementerian
17. Kaedah-kaedah untuk mengawal selia mesyuarat dan presiding

Rang Undang-Undang

BAHAGIAN III

LARANGAN MENGENAI SENJATA KIMIA DAN AGEN KAWALAN RUSUHAN

Fasal

18. Larangan
19. Agen kawalan rusuhan

BAHAGIAN IV BAHAN

KIMIA TOKSIK

Bab 1 - Aktiviti Dibenarkan

20. Aktiviti bagi tujuan yang tidak dilarang di bawah Konvensyen

Bab 2 — Rejim Bagi Bahan Kimia Toksik Yang Disenaraikan Dalam Jadual 1

21. Larangan dan pengecualian
22. Aktiviti sedia ada
23. Permohonan untuk mendapatkan kebenaran
24. Kuasa untuk mengeluarkan atau enggan mengeluarkan kebenaran
25. Penarikbalikan kebenaran
26. Rayuan terhadap keputusan Pihak Berkuasa Kebangsaan
27. Pemindahan
28. Perisy蒂haran
29. Perubahan kepada sesuatu kemudahan *
30. Penyenggaraan dokumen dan daftar

Bab 3 - Rejim Bagi Bahan Kimia Toksik Yang Disenaraikan Dalam Jadual 2 Dan 3

31. Perisy蒂haran
32. Pengeksportan atau pengimportan bahan kimia toksik dalam Jadual 2
33. Pengeksportan atau pengimportan bahan kimia toksik dalam Jadual 3
34. Perubahan kepada sesuatu kemudahan
35. Penyenggaraan dokumen dan daftar

Bab 4 - Rejim Bagi Bahan Kimia Organik Diskrel

Fasal

- 36. Perisyiharan
- 37. Penyenggaraan dokumen dan daftar

BAHAGIAN V

PEMERIKSAAN ANTARABANGSA

- 38. Inspektor Antarabangsa
- 39. Pemeriksaan
- 40. Kuasa anggota Pihak Berkuasa Kebangsaan berhubung dengan pemeriksaan oleh Inspektor Antarabangsa
- 41. Waran bagi pemeriksaan
- 42. Menggunakan kekerasan

BAHAGIAN VI

PENGUATKUASAAN

- 43. Kuasa penguatkuasaan
- 44. Kuasa penyiasatan
- 45. Penggeledahan dan penyitaan tanpa waran
- 46. Akses kepada data berkomputer
- 47. Pelucutahan senjata kimia, dsb.
- 48. Kos memegang senjata kimia, dsb., yang disita
- 49. Tiada kos atau ganti rugi berbangkit daripada penyitaan boleh didapatkan
- 50. Perlindungan pemberi maklumat

BAHAGIAN VII

PELBAGAI

- 51. Notis bagi pendedahan maklumat
- 52. Keistimewaan dan kerahsiaan maklumat
- 53. Perlindungan pegawai
- 54. Pemulaan pendakwaan
- 55. Halangan
- 56. Kesalahan berkenaan dengan maklumat

4. Rang Undang-Undang

Fasal

- 57. Kuasa untuk meminda Jadual
- 58. Penalti am
- 59. Kesalahan oleh pertubuhan perbadanan
- 60. Kesalahan oleh pekerja atau ejen
- 61. Kesalahan di luar Malaysia
- 62. Peraturan-peraturan

JADUAL

RANG UNDANG-UNDANG

b e r n a m a

Suatu Akta untuk menguatkuasakan Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya, dan untuk mengadakan peruntukan bagi perkara lain yang berkaitan dengannya.

BAHAWASANYA Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya telah ditandatangani di Paris pada 13 Januari 1993:

DAN BAHAWASANYA Malaysia telah mendepositkan surat cara ratifikasinya pada 20 April 2000 dan oleh yang demikian mengikut Perkara XXI Konvensyen, Konvensyen tersebut mula berkuat kuasa setakat yang berkenaan dengan Malaysia pada 20 Mei 2000:

MAKA OLEH YANG DEMIKIAN INILAH DIPERBUAT oleh Parlimen Malaysia seperti yang berikut:

BAHAGIAN I PERMULAAN

Tajuk ringkas dan permulaan kuat kuasa

1.(1) Akta ini bolehlah dinamakan Akta Konvensyen Senjata Kimia 2004.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

Pemakaian Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya

2. Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya hendaklah mempunyai kuat kuasa undang-undang di Malaysia dan bagi tujuan itu hendaklah ditafsirkan mengikut peruntukan Akta ini.

Tafsiran

3. Dalam Akta ini, melainkan jika konteksnya menghendaki makna yang lain—

"agen kawalan rusuhan" ertiaya apa-apa bahan kimia yang tidak disenaraikan dalam Jadual 1, 2 atau 3 yang boleh mengakibatkan perengsaan deria atau kesan kehilangan upaya fizikal dengan cepat kepada manusia yang hilang dalam masa yang singkat selepas pendedahan kepada bahan-bahan kimia itu berakhir;

"Akta ini" termasuklah apa-apa perundangan subsidiari yang dibuat di bawah Akta ini;

"anggota" ertiaya mana-mana anggota Pihak Berkuasa Kebangsaan yang dilantik di bawah subseksyen 6(2);

"bahan kimia organik diskret" ertiaya apa-apa bahan kimia yang termasuk dalam kelas sebatian bahan kimia yang mengandungi semua sebatian karbon, kecuali bagi oksida, sulfida dan karbonat logamnya, yang boleh dikenal pasti melalui nama kimia, melalui formula struktur, jika diketahui, dan nombor daftar Khidmat Abstrak Kimia, jika diberikan;

"bahan kimia toksik" ertiaya apa-apa bahan kimia yang melalui tindak balas kimianya ke atas proses kehidupan boleh menyebabkan kematian, ketidakupayaan sementara atau kecederaan kekal kepada manusia atau binatang, dan termasuklah prekursor bahan kimia toksik;

"ditetapkan" ertiaya ditetapkan oleh Menteri melalui peraturan-peraturan;

"Inspektor Antarabangsa" ertinya seseorang yang memegang perakuan yang dikeluarkan oleh Menteri di bawah subseksyen 38(2);

"Inspektor Kebangsaan" ertinya mana-mana orang yang dilantik oleh Menteri di bawah subseksyen 5(1);

"kemudahan" ertinya apa-apa tapak perindustrian yang terdiri daripada mana-mana yang berikut:

- (a) apa-apa kerja atau kilang ("tapak loji") yang merupakan persepaduan setempat satu loji atau lebih berserta mana-mana peringkat pentadbiran pertengahan, yang berada di bawah satu kawalan pengendalian, dan termasuklah infrastruktur lazim, seperti—
 - (i) pejabat pentadbiran dan pejabat lain;
 - (ii) kedai membaiki dan penyenggaraan;
 - (iii) pusat perubatan;
 - (iv) utiliti;
 - (v) makmal analisis pusat;
 - (vi) makmal kajian dan pembangunan;
 - (vii) kawasan efluen pusat dan rawatan buangan; dan
 - (viii) kawasan penyimpanan gudang;
- (b) apa-apa kemudahan pengeluaran atau bengkel ("loji") yang merupakan suatu kawasan yang agak lengkap, struktur atau bangunan yang terdiri daripada satu unit atau lebih berserta infrastruktur tambahan dan bersekutu, seperti—
 - (i) suatu bahagian pentadbiran yang kecil;
 - (ii) kawasan penyimpanan atau pengendalian bagi stok suapan dan keluaran;
 - (iii) suatu kawasan pengendalian atau rawatan efluen atau buangan;
 - (iv) suatu makmal kawalan atau analisis;
 - (v) suatu bahagian perkhidmatan pertolongan cemas atau suatu bahagian berhubung dengan perubatan; dan

(vi) rekod yang berkaitan dengan pergerakan masuk, di sekitar dan dari tapak, bahan kimia yang di isytihar dan stok suapan atau keluaran yang dibentuk daripada bahan kimia yang di isytihar dan stok suapan, sebagaimana yang berkenaan;

(c) apa-apa unit pengeluaran atau unit pemprosesan ("unit") yang merupakan gabungan barang kelengkapan, termasuk vesel dan komponen vesel, yang perlu bagi pengeluaran, pemprosesan atau penggunaan sesuatu bahan kimia;

"Konvensyen" ertinya Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya;

"Menteri", melainkan jika dinyatakan secara nyata selainnya, ertinya Menteri yang dipertanggungkan dengan tanggungjawab bagi hal-ehwal luar negeri;

"pemerhati" ertinya seorang wakil Negara Pihak meminta kepada Konvensyen atau Negara Pihak ketiga kepada Konvensyen yang hadir di Malaysia untuk memerhati sesuatu pemeriksaan dicabar;

"pemeriksaan dicabar" ertinya pemeriksaan apa-apa kemudahan atau lokasi di Malaysia atau di mana-mana tempat lain di bawah bidang kuasa atau kawalan Malaysia yang diminta oleh Negara Pihak yang lain menurut perenggan 8 hingga 25 Perkara IX Konvensyen;

"pengangkut" termasuklah mana-mana kapal, kereta api, kenderaan dan pesawat udara dan apa-apa cara pengangkutan lain yang melaluinya orang atau barang-barang boleh dibawa;

"Pengerusi" ertinya Pengerusi Pihak Berkuasa Kebangsaan sebagaimana yang dinyatakan di bawah perenggan 6(2)(a);

"Pertubuhan" ertinya Pertubuhan bagi Larangan tentang Senjata Kimia yang ditubuhkan menurut Perkara VIII Konvensyen;

"Pihak Berkuasa Kebangsaan" ertinya Pihak Berkuasa Kebangsaan yang ditubuhkan di bawah subseksyen 6(1);

"prekursor" ertinya apa-apa tindak balas kimia yang berlaku pada mana-mana tahap dalam pengeluaran melalui apa-apa jua

kaedah bahan kimia toksik, termasuk apa-apa komponen utama sesuatu dwiunsur atau sistem kimia berbilang komponen;

"senjata kimia" ertinya yang berikut, bersama atau secara berasingan:

- (a) bahan kimia toksik, kecuali jika dimaksudkan bagi tujuan yang tidak dilarang di bawah Konvensyen, selagi jenis dan kuantiti adalah selaras dengan tujuan itu;
- (b) senjata dan peranti yang direka bentuk secara khusus untuk menyebabkan kematian atau bahaya yang lain melalui sifat toksik bahan kimia toksik yang dinyatakan dalam perenggan (a) yang dilepaskan akibat daripada penggunaan senjata dan peranti itu;
- (c) apa-apa kelengkapan yang direka bentuk secara khusus untuk digunakan secara langsung berkaitan dengan penggunaan senjata dan peranti yang dinyatakan dalam perenggan (b);

"tujuan yang tidak dilarang di bawah Konvensyen" ertinya—

- (a) tujuan perindustrian, pertanian, kajian, perubatan, farmaseutikal atau keamanan lain;
- (b) tujuan perlindungan, iaitu tujuan yang secara langsung berhubung dengan perlindungan terhadap bahan kimia toksik dan dengan perlindungan terhadap senjata kimia;
- (c) tujuan ketenteraan yang tidak berkaitan dengan penggunaan senjata kimia dan tidak bergantung kepada penggunaan sifat toksik bahan kimia sebagai kaedah perang;
- (d) tujuan penguatkuasaan undang-undang, termasuk kawalan rusuhan dalam negeri;

Undang-undang yang mengatasi

4. (1) Peruntukan Akta ini hendaklah menjadi tambahan kepada, dan tidak mengurangkan, peruntukan mana-mana undang-undang bertulis lain yang berhubungan dengan senjata kimia, agen kawalan rusuhan, bahan kimia yang dimaksudkan bagi tujuan yang tidak dilarang, dan bahan kimia organik diskret.

(2) Sekiranya terdapat apa-apa percanggahan atau ketidakselarasan antara peruntukan Akta ini dengan peruntukan mana-mana undang-undang bertulis lain yang berkaitan dengan senjata kimia, agen kawalan rusuhan, bahan kimia toksik yang dimaksudkan bagi tujuan yang tidak dilarang, dan bahan kimia organik diskret, peruntukan Akta ini hendaklah mengatasi peruntukan mana-mana undang-undang bertulis lain itu dan peruntukan mana-mana undang-undang bertulis lain yang bercanggah atau tidak selaras itu hendaklah, setakat percanggahan atau ketidakselarasan itu, disifatkan digantikan.

Inspektor Kebangsaan

5. (1) Menteri boleh melantik, daripada kalangan pegawai awam, Inspektor Kebangsaan dan pegawai lain sebagaimana yang perlu bagi tujuan Akta ini.

(2) Inspektor Kebangsaan hendaklah, tertakluk kepada arahan dan kawalan am Menteri, melaksanakan fungsi dan kewajipan yang dikenakan ke atas mereka oleh Akta ini dan boleh menjalankan kuasa yang diberikan kepada mereka di bawah Akta ini.

(3) Menteri hendaklah mengeluarkan kepada setiap Inspektor Kebangsaan dan pegawai lain yang dilantik di bawah subseksyen (1) suatu kad kuasa bagi tujuan pelaksanaan fungsi dan kewajipannya dan penjalanan kuasanya di bawah Akta ini.

(4) Semua Inspektor Kebangsaan dan pegawai lain yang dilantik di bawah subseksyen (1) disifatkan sebagai pekhidmat awam mengikut pengertian Kanun Keseksaan [*Akta 574*].

BAHAGIAN II

PIHAK BERKUASA KEBANGSAAN

Pihak Berkuasa Kebangsaan

6. (1) Maka hendaklah ditubuhkan bagi tujuan Akta ini suatu badan yang dikenali sebagai Pihak Berkuasa Kebangsaan.

(2) Pihak Berkuasa Kebangsaan hendaklah terdiri daripada anggota yang berikut:

(a) seorang Pengerusi, yang dilantik oleh Menteri;

- (b) seorang wakil Kementerian yang bertanggungjawab bagi hal ehwal luar negeri, yang dilantik oleh Menteri;
 - (c) seorang wakil Kementerian yang bertanggungjawab bagi pertahanan, yang dilantik oleh Menteri yang dipertanggungkan dengan tanggungjawab bagi pertahanan;
 - (d) seorang wakil Kementerian yang bertanggungjawab bagi keselamatan dalam negeri, yang dilantik oleh Menteri yang dipertanggungkan dengan tanggungjawab bagi keselamatan dalam negeri;
 - (e) seorang wakil Kementerian yang bertanggungjawab bagi perdagangan antarabangsa, yang dilantik oleh Menteri yang dipertanggungkan dengan tanggungjawab bagi perdagangan antarabangsa;
 - (f) seorang wakil Kementerian yang bertanggungjawab bagi teknologi, yang dilantik oleh Menteri yang dipertanggungkan dengan tanggungjawab bagi teknologi;
 - (g) seorang wakil Kementerian yang bertanggungjawab bagi alam sekitar, yang dilantik oleh Menteri yang dipertanggungkan dengan tanggungjawab bagi alam sekitar;
 - (h) Pengarah Bahagian Perkhidmatan Farmaseutikal, Kementerian yang bertanggungjawab bagi kesihatan, atau wakilnya;
 - (i) Pengurus Lembaga Racun Makhluk Perosak, atau wakilnya;
 - (j) Ketua Pengarah Kualiti Alam Sekeliling, atau wakilnya;
 - (k) Ketua Polis Negara, atau wakilnya;
 - (l) Ketua Pengarah Kastam, atau wakilnya;
 - (m) Ketua Pengarah Kimia, atau wakilnya;
 - (n) Ketua Pengarah Keselamatan dan Kesihatan Pekerjaan, atau wakilnya; dan
 - (o) Ketua Pengarah Institut Kajian Sains dan Teknologi bagi Pertahanan, atau wakilnya.
- (3) Menteri yang berkenaan boleh, berkenaan dengan setiap anggota yang dilantik di bawah perenggan (2)(b) hingga (g), melantik

seorang anggota silih ganti untuk menghadiri mesyuarat Pihak Berkuasa Kebangsaan apabila anggota itu tidak dapat hadir atas apa-apa sebab.

Fungsi dan kuasa Pihak Berkuasa Kebangsaan

7. (1) Pihak Berkuasa Kebangsaan hendaklah melaksanakan fungsi mengawas dan memastikan pelaksanaan obligasi Malaysia di bawah Konvensyen, termasuk —

- (a) memastikan keberkesanan pelaksanaan Akta ini;
- (b) memudahkan pemeriksaan di bawah Konvensyen, termasuk bekerjasama dengan Inspektor Antarabangsa dalam pemeriksaan dicabar;
- (c) mengumpul data untuk dilaporkan dalam perisyntiharann tahunan kepada Pertubuhan;
- (d) memberikan Pertubuhan dan Negara Pihak lain maklumat yang berkenaan dalam memenuhi obligasi Malaysia di bawah Konvensyen;
- (e) mengawal selia dan mengawasi persoalan atau perkara yang berhubungan dengan Konvensyen, termasuk pelaksanaan Konvensyen dalam negeri;
- (f) mengeluarkan kebenaran berkenaan dengan aktiviti yang berhubungan dengan bahan kimia toksik yang disenaraikan dalam Jadual 1;
- (g) mengeluarkan arahan kepada mana-mana Inspektor Kebangsaan bagi tujuan penguatkuasaan dan keberkesanan pelaksanaan Akta ini;
- (h) menasihati Menteri secara am mengenai persoalan atau perkara yang berhubungan dengan Konvensyen;
- (i) melevi apa-apa fi, sebagaimana yang ditetapkan oleh Menteri, berkenaan dengan perkhidmatan yang diberikan oleh Pihak Berkuasa Kebangsaan;
- (j) melakukan apa-apa jua yang bersampingan atau bersesuaian dengan pelaksanaan mana-mana fungsi yang disebut dalam perenggan (a) hingga (i).

(2) Pihak Berkuasa Kebangsaan hendaklah mempunyai segala kuasa yang perlu bagi atau yang berkaitan dengan, atau yang dengan semu nasabahnya bersampingan dengan pelaksanaan fungsinya di bawah Akta ini.

Jawatankuasa Pihak Berkuasa Kebangsaan

8. (1) Pihak Berkuasa Kebangsaan boleh dari semasa ke semasa melantik apa-apa jawatankuasa sebagaimana yang difikirkannya perlu atau suai manfaat untuk membantunya melaksanakan fungsinya dan menjalankan kuasanya di bawah Akta ini.

(2) Tertakluk kepada Akta ini dan mana-mana kaedah yang dibuat di bawah seksyen 17, setiap jawatankuasa itu boleh mengawal selia tatacaranya sendiri.

(3) Anggota jawatankuasa itu boleh dibayar apa-apa elauan dan perbelanjaan lain yang berkaitan dengan kerja jawatankuasa sebagaimana yang ditentukan oleh Menteri dari semasa ke semasa dengan persetujuan Menteri Kewangan.

Perwakilan fungsi dan kuasa

9. (1) Pihak Berkuasa Kebangsaan boleh, tertakluk kepada apa-apa syarat, had atau sekatan sebagaimana yang difikirkannya patut dikenakan, mewakilkan mana-mana fungsi dan kuasa, kecuali kuasa untuk mewakilkan dan kuasa untuk membuat kaedah-kaedah di bawah seksyen 17, kepada—

- (a) Pengerusi;
- (b) mana-mana anggota Pihak Berkuasa Kebangsaan; dan
- (c) sesuatu jawatankuasa.

(2) Mana-mana orang atau jawatankuasa yang kepadanya diwakilkan fungsi dan kuasa sedemikian hendaklah mematuhi dan mengambil kira segala syarat dan sekatan yang dikenakan oleh Pihak Berkuasa Kebangsaan dan segala keperluan, tatacara dan perkara yang dinyatakan oleh Pihak Berkuasa Kebangsaan.

(3) Mana-mana fungsi atau kuasa yang diwakilkan di bawah seksyen ini hendaklah dilaksanakan dan dijalankan atas nama dan bagi pihak Pihak Berkuasa Kebangsaan.

(4) Perwakilan di bawah seksyen ini tidaklah menghalang Pihak Berkuasa Kebangsaan daripada melaksanakan atau menjalankan sendiri mana-mana fungsi dan kuasa yang diwakilkan itu pada bila-bila masa.

Kuasa Menteri untuk mengeluarkan arahan

10. Menteri boleh dari semasa ke semasa memberi Pihak Berkuasa Kebangsaan arahan yang tidak berlawanan dengan Akta ini mengenai pelaksanaan fungsi dan kuasa Pihak Berkuasa Kebangsaan dan Pihak Berkuasa Kebangsaan hendaklah melaksanakan arahan itu.

Pengerusi Pihak Berkuasa Kebangsaan

11. (1) Pengerusi hendaklah memegang jawatan selama tempoh yang tidak melebihi dua tahun dan layak untuk dilantik semula selepas tamat tempoh jawatannya.

(2) Pengerusi boleh, pada bila-bila masa, meletakkan jawatannya dengan memberikan notis bertulis tiga bulan kepada Menteri.

(3) Pengerusi boleh dipecat—

(a) jika kelakuannya, sama ada berkaitan dengan kewajipannya sebagai Pengerusi Pihak Berkuasa Kebangsaan atau selainnya, adalah sedemikian rupa sehingga memburukkan nama Pihak Berkuasa Kebangsaan;

(b) jika dia menjadi tidak berupaya untuk menjalankan kewajipannya dengan sepatutnya sebagai Pengerusi Pihak Berkuasa Kebangsaan;

(c) jika telah dibuktikan terhadapnya, atau jika dia telah disabitkan atas, sesuatu pertuduhan berkenaan dengan—

(i) suatu kesalahan yang melibatkan fraud, kecurangan atau keburukan akhlak;

(ii) suatu kesalahan di bawah undang-undang yang berhubungan dengan rasuah;

- (iii) suatu kesalahan di bawah Akta ini; atau
- (iv) apa-apa kesalahan lain yang boleh dihukum dengan pemerjaraan selama lebih daripada dua tahun;
- (d) jika dia dihukum bankrap;
- (e) jika dia didapati atau disahkan tidak sempurna akal atau selainnya tidak berupaya untuk menguruskan urusannya; atau
- (f) jika dia tidak menghadiri mesyuarat Pihak Berkuasa Kebangsaan tiga kali berturut-turut tanpa mendapat kebenaran bertulis daripada Menteri.

(4) Jika Pengerusi dilantik selainnya daripada kalangan anggota perkhidmatan awam, Menteri boleh membenarkan pembayaran apa-apa elaun sebagaimana yang difikirkannya wajar.

Pengerusi sementara

12. (1) Menteri boleh melantik mana-mana anggota Pihak Berkuasa Kebangsaan untuk bertindak sebagai Pengerusi sementara semasa apa-apa tempoh apabila—

- (a) atas apa-apa sebab, Pengerusi tidak dapat melaksanakan kewajipan dan fungsinya atau menjalankan kuasanya di bawah Akta ini; atau
- (b) jawatan Pengerusi adalah kosong.

(2) Mana-mana anggota yang dilantik untuk bertindak sebagai Pengerusi sementara semasa apa-apa tempoh di bawah seksyen ini boleh dengan sewajarnya melaksanakan kewajipan dan fungsi dan menjalankan kuasa Pengerusi semasa tempoh itu.

Mesyuarat Pihak Berkuasa Kebangsaan

13. (1) Pihak Berkuasa Kebangsaan hendaklah bermesyuarat seberapa kerap yang perlu bagi melaksanakan fungsinya pada bila-bila masa dan di mana-mana tempat sebagaimana yang ditetapkan oleh Pengerusi.

- (2) Tujuh orang anggota termasuk Pengerusi hendaklah membentuk kuorum mesyuarat Pihak Berkuasa Kebangsaan.
- (3) Pengerusi hendaklah mempengerusikan semua mesyuaratnya.
- (4) Dalam mana-mana mesyuarat Pihak Berkuasa Kebangsaan, Pengerusi hendaklah mempunyai undi biasa dan hendaklah, sekiranya terdapat bilangan undi yang sama banyak, mempunyai undi pemutus.

Pihak Berkuasa Kebangsaan boleh mengundang orang lain menghadiri mesyuarat

- 14.** (1) Pihak Berkuasa Kebangsaan boleh mengundang mana-mana orang untuk menghadiri mana-mana mesyuarat atau pertimbangtelitian Pihak Berkuasa Kebangsaan bagi tujuan menasihatinya tentang apa-apa perkara yang dibincangkan.
- (2) Mana-mana orang yang menghadiri mesyuarat atau pertimbangtelitian di bawah subseksyen (1) tidak berhak untuk mengundi.

Setiausaha kepada Pihak Berkuasa Kebangsaan

- 15.** Menteri hendaklah melantik seorang pegawai awam sebagai Setiausaha kepada Pihak Berkuasa Kebangsaan.

Penyediaan kemudahan oleh Kementerian

- 16.** Kementerian yang bertanggungjawab bagi Pihak Berkuasa Kebangsaan hendaklah menyediakan kakitangan, dana dan kemudahan lain yang perlu kepada Pihak Berkuasa Kebangsaan untuk membolehkannya menjalankan fungsinya.

Kaedah-kaedah untuk mengawal selia mesyuarat dan prosiding

- 17.** Tertakluk kepada Akta ini, Pihak Berkuasa Kebangsaan boleh membuat kaedah-kaedah untuk mengawal selia mesyuarat dan prosidingnya, dan mesyuarat dan prosiding jawatankuasa yang dilantik di bawah seksyen 8.

BAHAGIAN III

LARANGAN MENGENAI SENJATA KIMIA DAN
AGEN KAWALAN RUSUHAN

Larangan

18. (1) Tiada seorang pun boleh—

- (a) menghasilkan, mengeluarkan, memperoleh, mengumpul stok atau menyimpan apa-apa senjata kimia;
- (b) memindahkan, secara langsung atau tidak langsung, apa-apa senjata kimia kepada orang lain;
- (c) mempunyai dalam milikan, jagaan atau kawalannya apa-apa senjata kimia;
- (d) menggunakan apa-apa senjata kimia;
- (e) melibatkan diri dalam apa-apa persediaan ketenteraan yang tidak sah untuk menggunakan sesuatu senjata kimia; atau
- (f) membantu, menggalakkan atau mendorong, dengan apa-apa cara, sesiapa jua untuk melibatkan diri dalam mana-mana aktiviti yang dilarang kepada Negara Pihak di bawah Konvensyen.

(2) Mana-mana orang yang melanggar subseksyen (1) melakukan suatu kesalahan dan apabila disabitkan dihukum dengan hukuman penjara selama tempoh tidak melebihi tiga puluh tahun atau didenda tidak melebihi satu juta ringgit atau kedua-duanya.

Agen kawalan rusuhan

19. (1) Kecuali bagi tujuan mengekalkan dan memelihara ketenteraman awam, tiada seorang pun boleh menggunakan sesuatu agen kawalan rusuhan sebagai kaedah perang.

(2) Mana-mana orang yang melanggar subseksyen (1) melakukan suatu kesalahan dan apabila disabitkan dihukum dengan hukuman penjara selama tempoh tidak melebihi tiga puluh tahun atau didenda tidak melebihi satu juta ringgit atau kedua-duanya.

BAHAGIAN IV

BAHAN KIMIA TOKSIK

*Bab 1 - Aktiviti Dibenarkan***Aktiviti bagi tujuan yang tidak dilarang di bawah Konvensyen**

20. Mana-mana orang boleh, tertakluk kepada peruntukan Akta ini, menghasilkan, mengeluarkan, memperoleh, menyimpan, memindahkan, memiliki atau menggunakan bahan kimia toksik yang disenaraikan dalam Jadual 1, 2 dan 3 bagi tujuan yang tidak dilarang di bawah Konvensyen.

*Bab 2 - Rejim Bagi Bahan Kimia Toksik
Yang Disenaraikan Dalam Jadual 1*

Larangan dan pengecualian

21. (1) Tertakluk kepada peruntukan Bab ini, tiada seorang pun boleh mengeluarkan, memperoleh, menyimpan, memindahkan atau menggunakan bahan kimia toksik yang disenaraikan di bawah Jadual 1 melainkan jika—

- (a) pengeluaran, pemerolehan, penyimpanan, pemindahan atau penggunaan itu adalah untuk tujuan kajian, perubatan, farmaseutikal atau perlindungan;
- (b) jenis dan kuantiti bahan kimia toksik adalah benar-benar dihadkan kepada bahan kimia toksik yang boleh dijustifikasi bagi tujuan itu;
- (c) amaun agregat bahan kimia itu pada bila-bila masa yang dibenarkan bagi tujuan tersebut adalah sama dengan atau kurang daripada 1 tan; dan
- (d) pengeluaran, pemerolehan, penyimpanan atau penggunaan itu dibenarkan oleh Pihak Berkuasa Kebangsaan.

(2) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus lima puluh ribu ringgit atau dipenjarakan selama tempoh tidak melebihi tujuh tahun atau kedua-duanya.

(3) Bagi tujuan Bab ini, "pemindahan" termasuklah import, eksport, atau apa-apa pergerakan apa-apa amaun bahan kimia toksik

yang disenaraikan dalam Jadual 1 di luar sempadan geografi kemudahan di Malaysia ke destinasi lain di Malaysia, atau apa-apa pergerakan sedemikian antara dua bahagian di dalam satu syarikat atau penjualan dari satu syarikat ke syarikat yang lain.

Aktiviti sedia ada

22. (1) Bagi tujuan seksyen 21, mana-mana orang yang melibatkan diri dalam pengeluaran, pemerolehan, penyimpanan, pemindahan atau penggunaan bahan kimia toksik yang disenaraikan dalam Jadual 1 sebaik sebelum permulaan kuat kuasa Akta ini dan mempunyai niat untuk meneruskan aktiviti itu pada dan selepas permulaan kuat kuasa itu hendaklah, tidak lebih daripada tiga bulan dari tarikh permulaan kuat kuasa Akta ini, memohon kepada Pihak Berkuasa Kebangsaan untuk mendapatkan kebenaran di bawah Akta ini.

(2) Sementara menunggu keputusan Pihak Berkuasa Kebangsaan mengenai permohonan di bawah subseksyen (1), pemohon hendaklah disifatkan dibenarkan di bawah Akta ini dan tiada tindakan boleh diambil terhadapnya kerana melibatkan diri dalam aktiviti sedemikian tanpa kebenaran.

(3) Apabila kebenaran dikeluarkan oleh Pihak Berkuasa Kebangsaan di bawah seksyen 24 menurut permohonan yang dibuat di bawah subseksyen (1), pemohon hendaklah dengan serta-merta mengambil tindakan yang perlu untuk mematuhi apa-apa syarat yang dikenakan bersama-sama dengan kebenaran itu.

(4) Jika kebenaran enggan diberikan oleh Pihak Berkuasa Kebangsaan di bawah seksyen 24, pemohon yang disebut dalam subseksyen (2) hendaklah terhenti disifatkan dibenarkan di bawah subseksyen itu dari tarikh dia diberitahu tentang keputusan Pihak Berkuasa Kebangsaan atau, jika terdapat rayuan di bawah seksyen 27, dari tarikh keputusan Menteri mengenai rayuan itu.

Permohonan untuk mendapatkan kebenaran

23. (1) Permohonan untuk mendapatkan kebenaran di bawah subseksyen 21(1) hendaklah dibuat dalam bentuk yang ditetapkan kepada Pihak Berkuasa Kebangsaan dan hendaklah disertakan dengan apa-apa dokumen atau maklumat sebagaimana yang ditetapkan.

(2) Pada bila-bila masa selepas menerima permohonan di bawah subseksyen (1) dan sebelum permohonan itu ditentukan, Pihak Berkuasa Kebangsaan boleh, melalui notis bertulis, menghendaki pemohon memberikan apa-apa dokumen atau maklumat tambahan sebagaimana yang difikirkannya perlu.

(3) Jika mana-mana dokumen atau maklumat tambahan yang dikehendaki di bawah subseksyen (3) tidak disediakan oleh pemohon dalam masa yang dinyatakan dalam notis atau dalam apa-apa masa lanjutan yang diberikan oleh Pihak Berkuasa Kebangsaan, permohonan itu hendaklah disifatkan ditarik balik dan tidak boleh diteruskan, tetapi tanpa menjelaskan permohonan baru yang dibuat oleh pemohon.

(4) Sesuatu permohonan di bawah seksyen ini boleh ditarik balik pada bila-bila masa sebelum kebenaran yang dipohon itu dikeluarkan atau enggan dikeluarkan,

Kuasa untuk mengeluarkan atau enggan mengeluarkan kebenaran

24. (1) Apabila diterima permohonan berserta dengan dokumen dan maklumat yang dikehendaki di bawah seksyen 23, Pihak Berkuasa Kebangsaan boleh mengeluarkan kebenaran dalam bentuk yang ditetapkan atau enggan mengeluarkan kebenaran tanpa memberikan apa-apa sebab bagi keengganan itu.

(2) Jika Pihak Berkuasa Kebangsaan mengeluarkan kebenaran di bawah subseksyen (1), Pihak Berkuasa Kebangsaan hendaklah mengenakan apa-apa syarat sebagaimana yang difikirkannya patut.

(3) Jika Pihak Berkuasa Kebangsaan enggan mengeluarkan kebenaran, Pihak Berkuasa Kebangsaan hendaklah dengan segera memberitahu pemohon secara bertulis mengenai keenggannanya itu.

(4) Kebenaran, melainkan jika terlebih dahulu ditarik balik, hendaklah sah selama tempoh yang dinyatakan dalam kebenaran itu.

Penarikbalikan kebenaran

25. (1) Pihak Berkuasa Kebangsaan boleh menarik balik sesuatu kebenaran yang dikeluarkan di bawah seksyen 24 jika ia berpuas hati bahawa—

- (a) orang yang kepadanya kebenaran dikeluarkan telah gagal untuk mematuhi apa-apa obligasi yang dikenakan ke atasnya di bawah Akta ini;
- (b) orang itu telah melanggar mana-mana syarat kebenaran itu, atau mana-mana peruntukan Akta ini, tanpa mengira hakikat bahawa tidak ada pendakwaan bagi kesalahan berkenaan dengan pelanggaran itu;
- (c) orang itu telah disabitkan atas suatu kesalahan di bawah Akta ini; atau
- (d) orang itu telah, sama ada berkaitan dengan permohonan bagi kebenaran itu, atau pada bila-bila masa selepas pengeluaran kebenaran itu, memberikan maklumat yang palsu atau mengelirukan atau tidak tepat kepada Pihak Berkuasa Kebangsaan.

(2) Pihak Berkuasa Kebangsaan hendaklah mengeluarkan suatu notis secara bertulis mengenai penarikbalikan itu kepada orang yang kepadanya kebenaran itu dikeluarkan.

(3) Penarikbalikan sesuatu kebenaran yang dikeluarkan kepada seseorang hendaklah mula berkuat kuasa—

- (a) jika tiada rayuan terhadap penarikbalikan itu, setelah habis tempoh empat belas hari dari tarikh notis penarikbalikan itu disampaikan kepada orang itu; atau
- (b) jika terdapat rayuan terhadap penarikbalikan itu, apabila penarikbalikan itu disahkan oleh Menteri.

Rayuan terhadap keputusan Pihak Berkuasa Kebangsaan

26. (1) Mana-mana orang yang terkilan dengan apa-apa keputusan Pihak Berkuasa Kebangsaan boleh merayu kepada Menteri mengikut cara yang ditetapkan dalam masa 30 hari dari tarikh keputusan itu disampaikan kepada orang itu.

(2) Keputusan Menteri mengenai rayuan di bawah subseksyen (1) adalah muktamad.

Pemindahan

27. (1) Jika mana-mana orang dibenarkan untuk memindahkan suatu bahan kimia toksik yang disenaraikan dalam Jadual 1, orang itu tidak boleh—

- (a) memindahkan semula bahan kimia toksik itu ke suatu Negara ketiga; atau
- (b) memindahkan bahan kimia toksik itu ke mana-mana Negara bukan Pihak kepada Konvensyen.

(2) Mana-mana orang yang melanggar perenggan (a) atau (b) melakukan suatu kesalahan dan apabila disabitkan boleh didenda tidak melebihi satu ratus lima puluh ribu ringgit atau dipenjarakan selama tempoh tidak melebihi tujuh tahun atau kedua-duanya.

Perisyntihsaran

28. (1) Mana-mana orang yang dibenarkan untuk mengeluarkan, memperoleh, menyimpan, memindah atau menggunakan bahan kimia toksik yang disenaraikan dalam Jadual 1 dalam apa-apa amaun yang lebih daripada amaun ambang sebagaimana yang ditetapkan, hendaklah membuat perisyntihsaran berkala yang berikut kepada Pihak Berkuasa Kebangsaan dalam apa-apa bentuk dan pada bila-bila masa sebagaimana yang ditetapkan:

- (a) suatu perisyntihsaran tahunan mengenai aktiviti dalam tahun kalender yang terdahulu; dan
- (b) suatu perisyntihsaran tahunan mengenai aktiviti yang dijangkakan bagi tahun kalender yang berikut.

(2) Perisyntihsaran di bawah subseksyen (1) hendaklah berhubung dengan—

- (a) identiti kemudahan;
- (b) nama bahan kimia toksik termasuk formula struktur bahan kimia toksik dan nombor daftar Khidmat Abstrak Kimia (jika diberikan);
- (c) tujuan yang baginya bahan kimia toksik itu digunakan;

- (d) kuantiti bahan kimia toksik bagi tujuan yang baginya bahan kimia toksik itu digunakan; dan
 - (e) apa-apa perkara lain, yang berkaitan dengan perisyiharan, sebagaimana yang ditetapkan.
- (3) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi lima tahun atau kedua-duanya.

Perubahan kepada sesuatu kemudahan

29. (1) Mana-mana orang yang telah membuat perisyiharan di bawah seksyen 28 berhubung dengan sesuatu kemudahan hendaklah, jika terdapat apa-apa perubahan di kemudahan itu, mengemukakan maklumat berhubung dengan perubahan itu dan apa-apa maklumat lain sebagaimana yang ditetapkan kepada Pihak Berkuasa Kebangsaan.

(2) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Penyenggaraan dokumen dan daftar

30. (1) Mana-mana orang yang dibenarkan untuk mengeluarkan, memperoleh, menyimpan, memindahkan atau menggunakan sesuatu bahan kimia toksik yang disenaraikan dalam Jadual 1 hendaklah —

- (a) menyenggara suatu daftar dalam apa-apa bentuk sebagaimana yang ditetapkan; dan
- (b) menyimpan semua dokumen selama tempoh yang ditetapkan,

berkenaan dengan operasi kemudahannya berhubung dengan bahan kimia toksik itu.

(2) Daftar itu hendaklah—

- (a) disimpan semata-mata bagi tujuan mencatatkan apa-apa rekod dan maklumat sebagaimana yang ditetapkan;

- (b) dikemaskinikan dan dalam keadaan teratur dan baik; dan
- (c) disimpan selama tempoh yang ditetapkan itu.

(3) Orang yang disebut dalam subseksyen (1) hendaklah menyebabkan daftar itu tersedia bagi pemeriksaan jika dan apabila dikehendaki oleh Pihak Berkuasa Kebangsaan, mana-mana Inspektor Kebangsaan, mana-mana pegawai polis yang berpangkat tidak rendah daripada Inspektor, dan mana-mana Pegawai Kanan Kastam.

(4) Mana-mana orang yang melanggar subseksyen (1), (2) atau (3) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Bab 3 - Rejim Bagi Bahan Kimia Toksik Yang Disenaraikan Dalam Jadual 2 Dan 3

Perisyiharan

31. (1) Mana-mana orang yang —

- (a) mengeluarkan, memproses, menggunakan, mengeksport atau mengimport sesuatu bahan kimia toksik yang disenaraikan dalam Jadual 2 dalam amaun yang lebih daripada apa-apa amaun ambang sebagaimana yang ditetapkan; atau
- (b) mengeluarkan, mengimport atau mengeksport sesuatu bahan kimia toksik yang disenaraikan dalam Jadual 3 dalam amaun yang lebih daripada apa-apa amaun ambang sebagaimana yang ditetapkan,

hendaklah membuat perisyiharan berkala yang berikut kepada Pihak Berkuasa Kebangsaan dalam apa-apa bentuk dan pada bila-bila masa sebagaimana yang ditetapkan:

- (aa) suatu perisyiharan tahunan mengenai aktiviti dalam tahun kalender yang terdahulu; dan
- (bb) suatu perisyiharan tahunan mengenai aktiviti yang dijangkakan bagi tahun kalender yang berikut.

(2) Perisyntiharhan di bawah subseksyen (1) hendaklah berhubung dengan—

- (a) identiti kemudahan;
- (b) nama bahan kimia toksik termasuk formula struktur bahan kimia toksik dan nombor daftaran Khidmat Abstrak Kimia (jika diberikan);
- (c) tujuan yang baginya bahan kimia toksik itu digunakan;
- (d) kuantiti bahan kimia toksik bagi tujuan yang baginya bahan kimia toksik itu digunakan; dan
- (e) apa-apa perkara lain, yang berkaitan dengan perisyntiharhan, sebagaimana yang ditetapkan.

(3) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Pengeksportan atau pengimportan bahan kimia toksik dalam Jadual 2

32. (1) Mana-mana orang yang melibatkan diri dalam mana-mana aktiviti yang dinyatakan dalam perenggan 31(l)(a) tidak boleh mengeksport atau mengimport bahan kimia toksik kepada mana-mana Negara bukan Pihak kepada Konvensyen.

(2) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Pengeksportan atau pengimportan bahan kimia toksik dalam Jadual 3

33. (1) Mana-mana orang yang melibatkan diri dalam mana-mana aktiviti yang dinyatakan dalam perenggan 31(l)(b) tidak boleh mengeksport atau mengimport bahan kimia toksik kepada mana-mana Negara bukan Pihak kepada Konvensyen tanpa suatu perakuan pengguna akhir yang dikeluarkan dalam bentuk yang ditetapkan oleh Pihak Berkuasa Kebangsaan.

(2) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Perubahan kepada sesuatu kemudahan

34. (1) Mana-mana orang yang telah membuat perisytiharan di bawah seksyen 31 berhubung dengan sesuatu kemudahan hendaklah, jika terdapat apa-apa perubahan di kemudahan itu, mengemukakan maklumat berhubung dengan perubahan itu dan apa-apa maklumat lain sebagaimana yang ditetapkan kepada Pihak Berkuasa Kebangsaan.

(2) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Penyenggaraan dokumen dan daftar

35. (1) Mana-mana orang yang melibatkan diri dalam mana-mana aktiviti yang dinyatakan dalam perenggan 3|(l)(a) atau (b), mengikut mana-mana yang berkenaan, hendaklah—

- (a) menyenggara suatu daftar dalam apa-apa bentuk sebagaimana yang ditetapkan; dan
- (b) menyimpan semua dokumen selama tempoh yang ditetapkan,

berkenaan dengan operasi kemudahannya berhubung dengan bahan kimia toksik itu.

(2) Daftar itu hendaklah —

- (a) disimpan semata-mata bagi tujuan mencatatkan apa-apa rekod dan maklumat sebagaimana yang ditetapkan;
- (b) dikemaskinikan dan dalam keadaan teratur dan baik; dan
- (c) disimpan selama tempoh yang ditetapkan itu.

(3) Orang yang disebut dalam subseksyen (1) hendaklah menyebabkan daftar itu tersedia bagi pemeriksaan jika dan apabila

dikehendaki oleh Pihak Berkuasa Kebangsaan, mana-mana Inspektor Kebangsaan, mana-mana pegawai polis yang berpangkat tidak rendah daripada Inspektor, dan mana-mana Pegawai Kanan Kastam.

(4) Mana-mana orang yang melanggar subseksyen (1), (2) atau (3) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Bab 4 — Rejim Bagi Bahan Kimia Organik Diskret

Perisyiharan

36. (1) Mana-mana orang yang melibatkan diri dalam pengeluaran bahan kimia organik diskret secara sintesis dalam amaun yang lebih daripada apa-apa amaun ambang sebagaimana yang ditetapkan, hendaklah membuat perisyiharan berkala yang berikut kepada Pihak Berkuasa Kebangsaan dalam apa-apa bentuk dan pada bila-bila masa sebagaimana yang ditetapkan:

- (a) suatu perisyiharan tahunan mengenai aktiviti dalam tahun kalender yang terdahulu; dan
- (b) suatu perisyiharan tahunan mengenai aktiviti yang dijangkakan bagi tahun kalender yang berikut.

(2) Perisyiharan di bawah subseksyen (1) hendaklah berhubung dengan—

- (a) identiti kemudahan;
- (b) nama bahan kimia organik diskret;
- (c) kuantiti bahan kimia organik diskret yang digunakan; dan
- (d) apa-apa perkara lain, yang berkaitan dengan perisyiharan, sebagaimana yang ditetapkan.

(3) Mana-mana orang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Penyenggaraan dokumen dan daftar

37. (1) Mana-mana orang yang melibatkan diri dalam mana-mana aktiviti yang dinyatakan dalam seksyen 36 hendaklah—

- (a) menyenggara suatu daftar dalam apa-apa bentuk sebagaimana yang ditetapkan; dan
- (b) menyimpan semua dokumen selama tempoh yang ditetapkan,

berkenaan dengan operasi kemudahannya berhubung dengan bahan kimia organik diskret.

(2) Daftar itu hendaklah—

- (a) disimpan semata-mata bagi tujuan mencatatkan apa-apa rekod dan maklumat sebagaimana yang ditetapkan;
- (b) dikemaskinikan dan dalam keadaan teratur dan baik; dan
- (c) disimpan selama tempoh yang ditetapkan itu.

(3) Orang yang disebut dalam subseksyen (1) hendaklah menyebabkan daftar itu tersedia bagi pemeriksaan jika dan apabila dikehendaki oleh Pihak Berkuasa Kebangsaan, mana-mana Inspektor Kebangsaan, mana-mana pegawai polis yang berpangkat tidak rendah daripada Inspektor, dan mana-mana Pegawai Kanan Kastam.

(4) Mana-mana orang yang melanggar subseksyen (1), (2) atau (3) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

BAHAGIAN V

PEMERIKSAAN ANTARABANGSA

Inspektor Antarabangsa

38. (1) Menteri boleh mengeluarkan kepada mana-mana orang yang merupakan anggota pasukan pemeriksaan bagi Urus Setia Teknikal Pertubuhan suatu perakuan untuk menjadi Inspektor Antarabangsa bagi tujuan Akta ini.

(2) Perakuan yang dikeluarkan kepada orang di bawah subseksyen (1) hendaklah mengandungi butir-butir yang berikut:

- (a) identiti orang itu termasuk nama, taraf dan kuasanya untuk menjalankan pemeriksaan di Malaysia;
- (b) keistimewaan dan kekebalan yang terpakai bagi orang itu; dan
- (c) apa-apa maklumat lain dan apa-apa syarat yang terpakai bagi aktiviti pemeriksaan di Malaysia oleh orang itu sebagaimana yang difikirkan patut oleh Menteri.

Pemeriksaan

39. (1) Tertakluk kepada Aktaini, seseorang Inspektor Antarabangsa boleh, pada bila-bila masa yang munasabah dan selaras dengan peruntukan Akta ini dan Konvensyen—

- (a) memasuki mana-mana kemudahan di dalam Malaysia—
 - (i) yang berkenaan dengannya perisyiharan telah dibuat di bawah Bahagian IV;
 - (ii) yang tertakluk kepada pemeriksaan dicabar di tapak yang disebut dalam perenggan 8 Perkara IX Konvensyen; atau
 - (iii) yang berkenaan dengannya suatu siasatan di bawah perenggan 9 Perkara X Konvensyen telah dimulakan;
- (b) menjalankan pemeriksaan di kemudahan itu dengan cara yang selaras dengan peruntukan Akta ini dan Konvensyen; dan
- (c) memasang, menggunakan dan menyenggara, di mana-mana yang berkenaan, berkenaan dengan mana-mana kemudahan itu alat pengawasan, sistem dan lak dengan cara yang selaras dengan peruntukan Akta ini dan Konvensyen.

(2) Mana-mana Inspektor Antarabangsa hendaklah, apabila diminta oleh tuan punya atau orang yang bertanggungjawab bagi sesuatu kemudahan yang hendak diperiksa oleh Inspektor Antarabangsa itu, menunjukkan perakuan kepada orang itu bagi pengesahan identitinya.

(3) Semasa menjalankan pemeriksaan dicabar, seseorang Inspektor Antarabangsa boleh diiringi oleh seorang pemerhati bagi tujuan memberikan kesan kepada perenggan 12 Perkara IX Konvensyen.

Kuasa anggota Pihak Berkuasa Kebangsaan berhubung dengan pemeriksaan oleh Inspektor Antarabangsa

40. (1) Pemeriksaan di bawah seksyen 39 tidak boleh dijalankan melainkan jika Inspektor Antarabangsa itu diiringi oleh seorang anggota Pihak Berkuasa Kebangsaan atau seorang Inspektor Kebangsaan.

(2) Mana-mana anggota Pihak Berkuasa Kebangsaan atau seseorang Inspektor Kebangsaan boleh mengarahkan tuan punya atau mana-mana orang yang bertanggungjawab bagi kemudahan yang sedang diperiksa supaya—

- (a) memberi Inspektor Antarabangsa akses kepada apa-apa kawasan, bekas atau benda di kemudahan yang sedang diperiksa itu dengan cara yang selaras dengan peruntukan Akta ini dan Konvensyen;
- (b) membenarkan Inspektor Antarabangsa memeriksa apa-apa jua di kemudahan yang sedang diperiksa itu;
- (c) membenarkan Inspektor Antarabangsa membuat salinan apa-apa maklumat yang terkandung di dalam rekod, dokumen atau data berkomputer yang disimpan atau digunakan berhubung dengan kemudahan yang sedang diperiksa itu dan membawa keluar salinan itu daripada kemudahan itu;
- (d) membenarkan Inspektor Antarabangsa mengambil gambar apa-apa jua di dalam kemudahan yang sedang diperiksa itu;
- (e) membenarkan Inspektor Antarabangsa menemu bual mana-mana orang di kemudahan yang sedang diperiksa itu; dan
- (f) membenarkan Inspektor Antarabangsa mengambil sampel di dalam kemudahan, pengangkut atau mana-mana tempat lain yang sedang diperiksa, bagi analisis.

(3) Mana-mana orang yang melanggar subseksyen (2) melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya.

Waran bagi pemeriksaan

41. (1) Jika persetujuan tuan punya atau orang yang bertanggungjawab bagi mana-mana kemudahan untuk memasuki kemudahan itu bagi tujuan yang disebut dalam seksyen 39 tidak diperoleh, mana-mana anggota Pihak Berkuasa Kebangsaan atau seseorang Inspektor Kebangsaan boleh memohon suatu waran bagi pihak Inspektor Antarabangsa.

(2) Seseorang Majistret yang kepadanya permohonan bagi mendapatkan waran dibuat di bawah subseksyen ini boleh, jika dia berpuas hati dengan perakuan bersumpah yang diikrarkan oleh mana-mana anggota Pihak Berkuasa Kebangsaan atau seseorang Inspektor Kebangsaan bahawa—

- (a) syarat bagi kemasukan yang diperlukan dalam seksyen 39 telah dipenuhi berkenaan dengan kemudahan itu;
- (b) kemasukan ke kemudahan itu adalah perlu bagi apa-apa tujuan yang berhubungan dengan pentadbiran Akta ini; dan
- (c) kemasukan ke kemudahan itu telah ditolak,

mengeluarkan waran yang membentarkan anggota Pihak Berkuasa Kebangsaan atau seseorang Inspektor Kebangsaan dan Inspektor Antarabangsa yang dinamakan memasuki kemudahan itu bagi tujuan pemeriksaan yang disebut dalam seksyen 39, tertakluk kepada apa-apa syarat sebagaimana yang ditetapkan dalam waran itu.

Menggunakan kekerasan

42. Jika kekerasan diperlukan untuk memasuki mana-mana kemudahan yang dinyatakan dalam waran yang dikeluarkan di bawah seksyen 41, orang yang melaksanakan waran itu boleh meminta bantuan pegawai polis untuk menggunakan kekerasan yang munasabah dalam hal keadaan itu.

BAHAGIAN VI
PENGUATKUASAAN**Kuasa penguatkuasaan**

43. (1) Seseorang Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam boleh menjalankan semua kuasa penguatkuasaan di bawah Akta ini.

(2) Tiap-tiap Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam, apabila bertindak terhadap mana-mana orang di bawah Akta ini, hendaklah menyatakan jawatannya dan hendaklah apabila diminta mengemukakan kepada orang yang terhadapnya dia bertindak itu apa-apa kad kuasa yang telah dikeluarkan kepada Inspektor Kebangsaan atau pegawai itu.

Kuasa penyiasatan

44. (1) Mana-mana Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam hendaklah mempunyai kuasa untuk menyiasat apa-apa kesalahan di bawah Akta ini.

(2) Bagi tujuan subseksyen (1), Kanun Tatacara Jenayah [Akta 593] hendaklah terpakai dan Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam hendaklah mempunyai segala kuasa yang diperuntukkan di bawah Kanun Tatacara Jenayah.

Pengeledahan dan penyitaan tanpa waran

45. (1) Sebagai tambahan kepada kuasa di bawah Kanun Tatacara Jenayah, jika seseorang Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam mempunyai sebab yang munasabah untuk mempercayai bahawa oleh sebab kelengahan dalam memperoleh waran geledah penyiasatan akan terjejas atau keterangan mengenai pelakuan kesalahan itu mungkin diganggu, dipindahkan, dirosakkan atau

dimusnahkan, Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam itu boleh masuk ke dalam mana-mana kemudahan, pengangkut atau tempat lain dan menyita apa-apa senjata kimia, agen kawalan rusuhan atau bahan kimia toksik yang disenaraikan dalam Jadual 1, 2 atau 3, atau apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan atau bahan kimia toksik itu distorkan, disimpan atau dijumpai, rekod, buku, akaun, dokumen atau data berkomputer yang disita di bawah Akta ini.

(2) Kecuali sebagaimana yang diperuntukkan dalam subseksyen (3), jika apa-apa senjata kimia, agen kawalan rusuhan atau bahan kimia toksik yang disenaraikan dalam Jadual 1, 2 atau 3, atau apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan atau bahan kimia toksik itu disimpan atau dijumpai, rekod, buku, akaun, dokumen atau data berkomputer disita di bawah subseksyen (1), pegawai yang menyita itu hendaklah menyediakan senarai benda dan dengan segera menghantarserahkan satu salinan yang ditandatanganinya kepada tuan punya atau orang yang bertanggungjawab bagi kemudahan, pengangkut atau tempat lain yang telah digeledah, atau kepada ejen atau pekhidmat tuan punya atau orang itu, di kemudahan, pengangkut atau tempat lain itu.

(3) Jika kemudahan, pengangkut atau tempat lain itu tidak berpenghuni, pegawai yang menyita itu hendaklah bilamana mungkin menampalkan senarai benda yang disita itu di tempat yang mudah dilihat di kemudahan, pengangkut atau tempat lain itu.

Akses kepada data berkomputer

46. (1) Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam yang menjalankan penggeledahan di bawah Akta ini hendaklah diberi akses kepada data berkomputer sama ada yang distorkan dalam suatu komputer atau selainnya.

(2) Dalam seksyen ini, "akses" termasuklah diberi kata laluan, kod penyulitan, kod penyahsulitan, perisian atau perkakasan yang perlu dan apa-apa cara lain yang diperlukan untuk membolehkan data berkomputer difahami.

Pelucuthakan senjata kimia, dsb.

47. (1) Segala senjata kimia, agen kawalan rusuhan dan bahan kimia toksik yang disenaraikan dalam Jadual 1, 2 dan 3, bersama-sama dengan apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan dan bahan kimia toksik itu distorkan, disimpan atau dijumpai, rekod, buku, akaun, dokumen atau data berkomputer yang disita pada menjalankan mana-mana kuasa yang diberikan di bawah Akta ini boleh dilucuthakkan.

(2) Mahkamah yang membicarakan mana-mana orang yang dipertuduh melakukan kesalahan di bawah Akta ini boleh pada akhir perbicaraan itu, sama ada orang itu didapati bersalah atau tidak, memerintahkan supaya senjata kimia, agen kawalan rusuhan dan bahan kimia toksik yang disenaraikan dalam Jadual 1, 2 dan 3, bersama-sama dengan apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan dan bahan kimia toksik itu distorkan, disimpan atau dijumpai, rekod, buku, akaun, dokumen atau data berkomputer yang disita daripada orang itu dimusnahkan.

(3) Jika tidak ada pendakwaan berkenaan dengan apa-apa senjata kimia, agen kawalan rusuhan dan bahan kimia toksik yang disenaraikan dalam Jadual 1, 2 dan 3, senjata kimia, agen kawalan rusuhan dan bahan kimia toksik yang disenaraikan dalam Jadual 1, 2 dan 3 itu, bersama-sama dengan apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan dan bahan kimia toksik itu distorkan, disimpan atau dijumpai, rekod, buku, akaun, dokumen atau data berkomputer hendaklah diambil dan disifatkan dilucuthakkan apabila tamat tempoh satu bulan kalender dari tarikh ia disita melainkan jika suatu tuntutan dibuat sebelum tarikh itu mengikut cara yang dinyatakan dalam subseksyen (4), (5) dan (6).

(4) Tuntutan di bawah subseksyen (3) hanya boleh dibuat berkenaan dengan bahan kimia toksik yang disenaraikan dalam Jadual 1, 2 dan 3, rekod, buku, akaun, dokumen atau data berkomputer.

(5) Mana-mana orang yang menegaskan bahawa dia ialah tuan punya mana-mana bahan kimia toksik yang disenaraikan dalam Jadual 1, 2 dan 3, buku, dokumen atau data berkomputer yang disita di bawah Akta ini dan bahawa bahan kimia toksik, rekod,

buku, akaun, dokumen atau data berkomputer itu tidak boleh dilucuthakkan boleh memberikan sendiri atau melalui ejennya yang diberi kuasa secara bertulis, notis kepada pegawai yang menyita mengenai tuntutannya itu.

(6) Apabila notis di bawah subseksyen (5) diterima, pegawai yang menyita hendaklah merujukkan perkara itu kepada Mahkamah Seksyen bagi mendapatkan keputusan.

(7) Mahkamah yang kepadanya perkara itu dirujukkan hendaklah mengeluarkan suatu saman menghendaki orang yang menegaskan bahawa dia ialah tuan punya bahan kimia toksik yang disenaraikan dalam Jadual 1, 2 dan 3, rekod, buku, akaun, dokumen atau data berkomputer dan orang yang daripadanya ia disita, hadir di hadapan mahkamah itu dan apabila mereka hadir atau mereka tidak hadir, tetapi penyampaian saman dengan sewajarnya telah dibuktikan, mahkamah itu hendaklah meneruskan pemeriksaan perkara itu, dan apabila terbukti bahawa suatu kesalahan di bawah Akta ini telah dilakukan dan bahawa bahan kimia toksik, rekod, buku, akaun, dokumen atau data berkomputer ialah hal perkara atau telah digunakan dalam perlakuan kesalahan itu, hendaklah memerintahkan supaya bahan kimia toksik, buku, dokumen atau data berkomputer itu dilucuthakkan atau boleh, jika tiada bukti sedemikian, memerintahkan pelepasan bahan kimia toksik, buku, dokumen atau data berkomputer itu kepada orang yang berhak kepadanya.

(8) Apa-apa senjata kimia, agen kawalan rusuhan atau bahan kimia toksik yang disenaraikan dalam Jadual 1, 2 atau 3, bersama-sama dengan apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan atau bahan kimia toksik itu distorkan, disimpan atau dijumpai, rekod, buku, akaun, dokumen atau data berkomputer yang dilucuthakkan atau disifatkan dilucuthakkan hendaklah dihantar serahkan kepada Pihak Berkuasa Kebangsaan yang hendaklah melupuskannya mengikut apa-apa cara yang difikirkannya sesuai.

Kos memegang senjata kimia, dsb., yang disita

48. Jika apa-apa senjata kimia, agen kawalan rusuhan atau bahan kimia toksik yang disenaraikan dalam Jadual 1, 2 atau 3, atau apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan atau bahan kimia toksik itu distorkan, disimpan atau dijumpai, rekod, buku, akaun, dokumen atau data berkomputer yang disita di bawah Akta ini dipegang

dalam jagaan Kerajaan sementara menunggu penyelesaian apa-apa prosiding berkenaan dengan kesalahan di bawah Akta ini, kos bagi memegang benda itu dalam jagaan hendaklah, sekiranya mana-mana orang didapati bersalah atas suatu kesalahan, menjadi hutang yang kena dibayar kepada Kerajaan oleh orang itu dan hendaklah didapatkan dengan sewajarnya.

Tiada kos atau ganti rugi berbangkit daripada penyitaan boleh didapatkan

49. Tiada seorang pun boleh, dalam apa-apa prosiding di hadapan mana-mana mahkamah berkenaan dengan apa-apa senjata kimia, agen kawalan rusuhan atau bahan kimia toksik yang disenaraikan dalam Jadual 1,2 atau 3, atau apa-apa bekas, bungkusan, pengangkut atau barang lain yang di dalamnya senjata kimia, agen kawalan rusuhan atau bahan kimia toksik distorkan, disimpan atau dijumpai, rekod, buku, akaun, dokumen atau data berkomputer yang disita pada menjalankan atau yang berupa sebagai menjalankan apa-apa kuasa yang diberikan di bawah Akta ini, berhak kepada kos prosiding itu atau kepada apa-apa ganti rugi atau relief lain melainkan jika penyitaan itu dibuat tanpa sebab yang munasabah.

Perlindungan pemberi maklumat

50. (1) Kecuali sebagaimana yang diperuntukkan dalam seksyen ini, tiada saksi dalam mana-mana prosiding sivil atau jenayah boleh dikehendaki atau dibenarkan mendedahkan nama atau alamat mana-mana pemberi maklumat atau isi dan jenis maklumat yang diterima daripadanya atau menyatakan apa-apa perkara yang mungkin menyebabkan dia diketahui.

(2) Jika apa-apa rekod, buku, akaun, dokumen atau data berkomputer yang menjadi keterangan atau yang boleh diperiksa dalam mana-mana prosiding sivil atau jenayah mengandungi apa-apa catatan yang dalamnya mana-mana pemberi maklumat dinamakan atau diperihalkan atau yang mungkin menyebabkan dia diketahui, mahkamah hendaklah menyebabkan supaya semua catatan sedemikian ditutup daripada penglihatan atau di padam hanya setakat yang perlu untuk melindungi pemberi maklumat itu daripada diketahui.

(3) Jika dalam perbicaraan bagi apa-apa kesalahan di bawah Akta ini mahkamah selepas siasatan penuh tentang kes itu mempercayai bahawa pemberi maklumat itu dengan sengaja membuat

dalam aduannya suatu pernyataan matan yang dia tahu atau percaya adalah palsu atau tidak percaya adalah benar, atau jika dalam apa-apa prosiding lain mahkamah berpendapat bahawa keadilan tidak dapat dilaksanakan sepenuhnya antara pihak-pihak dalam prosiding itu tanpa mengetahui siapa pemberi maklumat itu, adalah sah bagi mahkamah untuk menghendaki pengemukaan aduan asal, jika bertulis, dan membenarkan siasatan dan menghendaki pendedahan sepenuhnya tentang pemberi maklumat itu.

BAHAGIAN VII
PELBAGAI

Notis bagi pendedahan maklumat

51. (1) Pihak Berkuasa Kebangsaan boleh menghantar notis kepada mana-mana orang yang Pihak Berkuasa Kebangsaan percaya berdasarkan sebab yang munasabah mempunyai maklumat atau dokumen yang berkaitan dengan penguatkuasaan Akta ini, meminta orang itu memberikan maklumat atau dokumen itu kepada Pihak Berkuasa Kebangsaan.

(2) Seseorang yang menerima notis yang disebut dalam subseksyen (1), hendaklah memberikan maklumat dan dokumen yang diminta kepada Pihak Berkuasa Kebangsaan dalam bentuk yang ditetapkan dan dalam masa yang dinyatakan dalam notis itu.

(3) Mana-mana orang yang melanggar subseksyen (2), melakukan suatu kesalahan.

Maklumat adalah istimewa dan sulit

52. (1) Apa-apa maklumat dan dokumen yang diperoleh menurut Akta ini atau Konvensyen adalah istimewa dan sulit.

(2) Maklumat dan dokumen dalam subseksyen (1) tidak istimewa atau sulit jika ia dikehendaki supaya didedahkan atau disampaikan bagi tujuan kepentingan negara, keselamatan negara atau di bawah mana-mana undang-undang bertulis.

(3) Tiada seorang pun yang memiliki maklumat atau dokumen istimewa atau sulit boleh secara sedar, tanpa keizinan bertulis orang yang daripadanya ia diperoleh, menyampaikan maklumat

atau dokumen itu atau membenarkan maklumat atau dokumen itu disampaikan kepada mana-mana orang, atau membenarkan mana-mana orang mendapat akses kepada maklumat atau dokumen itu, kecuali—

- (a) bagi tujuan penguatkuasaan Akta ini atau memberikan kuat kuasa kepada Konvensyen; atau
- (b) menurut obligasi Kerajaan Malaysia di bawah Konvensyen.

(4) Walau apa pun mana-mana undang-undang bertulis lain, tiada seorang pun boleh dikehendaki, berkaitan dengan apa-apa prosiding undang-undang, mengemukakan apa-apa pernyataan atau rekod lain yang mengandungi maklumat atau dokumen istimewa atau sulit, atau memberikan keterangan yang berhubungan dengannya, melainkan jika prosiding itu berhubung dengan penguatkuasaan Akta ini.

Perlindungan pegawai

53. Tiada tindakan atau pendakwaan boleh dibawa, dimulakan atau dikekalkan dalam mana-mana mahkamah terhadap Pihak Berkuasa Kebangsaan, seseorang Inspektor Kebangsaan, mana-mana pegawai yang dilantik dengan sewajarnya di bawah Akta ini, seseorang pegawai polis atau seseorang Pegawai Kanan Kastam bagi atau atas sebab atau berkenaan dengan apa-apa perbuatan yang diperintahkan atau yang dilakukan bagi tujuan melaksanakan Akta ini jika perbuatan itu dilakukan dengan suci hati dan bahawa ia perlu bagi tujuan yang dimaksudkan untuk dicapai dengannya.

Pemulaan pendakwaan

54. Tiada pendakwaan bagi atau berhubung dengan apa-apa kesalahan di bawah Akta ini boleh dimulakan kecuali oleh atau dengan kebenaran bertulis Pendakwa Raya.

Halangan

55. (1) Tiada seorang pun boleh menghalang, merintangi atau mengganggu mana-mana anggota Pihak Berkuasa Kebangsaan, seseorang Inspektor Antarabangsa, seseorang Inspektor Kebangsaan,

mana-mana pegawai yang dilantik dengan sewajarnya di bawah Akta ini, seseorang pegawai polis atau seseorang Pegawai Kanan Kastam dalam pelaksanaan fungsinya di bawah Akta ini.

(2) Mana-mana orang yang melanggar subseksyen (1), melakukan suatu kesalahan.

Kesalahan berkenaan dengan maklumat

56. (1) Mana-mana orang yang mengemukakan maklumat palsu atau mengelirukan dalam apa-apa permohonan, laporan atau dokumen lain bagi apa-apa tujuan di bawah Akta ini melakukan suatu kesalahan.

(2) Mana-mana orang yang—

- (a) memberikan atau menyebabkan supaya diberikan apa-apa butiran, maklumat atau pernyataan yang palsu atau mengelirukan berkenaan dengan apa-apa perkara kepada mana-mana Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam yang dikehendaki oleh pegawai itu supaya diberikan di bawah Akta ini;
- (b) enggan menjawab atau memberikan jawapan palsu kepada apa-apa soalan yang dikemukakan kepadanya oleh mana-mana Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam bagi tujuan mendapatkan apa-apa butiran, maklumat atau pernyataan yang dikehendaki supaya diberikan di bawah Akta ini; atau
- (c) gagal atau enggan mengemukakan apa-apa dokumen sebagaimana yang dikehendaki oleh mana-mana Inspektor Kebangsaan, pegawai polis yang berpangkat tidak rendah daripada Inspektor atau Pegawai Kanan Kastam,

melakukan suatu kesalahan.

Kuasa untuk meminda Jadual

57. Jika apa-apa pindaan dibuat kepada Konvensyen menurut Perkara XV Konvensyen, Menteri boleh, melalui perintah yang disiarkan dalam *Warta*, meminda Jadual mengikut pindaan kepada Konvensyen.

Penalti am

58. Mana-mana orang yang melakukan kesalahan di bawah Akta ini yang baginya tiada penalti diperuntukkan dengan nyata, apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

Kesalahan oleh pertubuhan perbadanan

59. Jika apa-apa kesalahan di bawah Akta ini telah dilakukan oleh suatu pertubuhan perbadanan, mana-mana orang yang pada masa perlakuan kesalahan itu ialah seorang pengarah, pengurus, setiausaha atau pegawai lain yang seumpamanya dalam pertubuhan perbadanan itu atau yang berupa sebagai bertindak atas mana-mana sifat sedemikian, atau yang dalam apa-apa cara atau sehingga apa-apa takat bertanggungjawab atas pengurusan apa-apa hal-ehwal pertubuhan perbadanan itu, atau yang membantu dalam pengurusan sedemikian, juga melakukan kesalahan itu melainkan jika dia membuktikan bahawa kesalahan itu telah dilakukan tanpa pengetahuan, persetujuan atau pembicaraannya dan bahawa dia telah menjalankan segala usaha yang wajar dilakukannya untuk mencegah perlakuan kesalahan itu, dengan mengambil kira jenis fungsinya atas sifat itu dan segala hal keadaan.

Kesalahan oleh pekerja atau ejen

60. Jika mana-mana orang boleh di bawah Akta ini dikenakan hukuman atau penalti bagi apa-apa perbuatan, peninggalan, keabaian atau keingkaran, maka orang itu boleh dikenakan hukuman atau penalti yang sama bagi tiap-tiap perbuatan, peninggalan, keabaian atau keingkaran sedemikian oleh mana-mana pekerja atau ejennya, atau ejen pekerja itu, jika perbuatan, peninggalan, keabaian atau keingkaran itu telah dilakukan oleh pekerja orang itu dalam masa penggajiannya atau oleh ejen itu semasa bertindak bagi pihak orang itu atau oleh pekerja ejen itu dalam masa penggajian pekerja itu oleh ejen itu atau selainnya bagi pihak ejen itu.

Kesalahan di luar Malaysia

61. (1) Mana-mana orang yang melakukan atau meninggalkan daripada melakukan, di luar Malaysia, sesuatu perbuatan dan perlakuan perbuatan itu atau peninggalan perbuatan itu, jika dilakukan atau

dinggalkan di dalam Malaysia, menjadi kesalahan di bawah Akta ini, hendaklah, jika orang itu ialah warganegara Malaysia atau pemastautin tetap, disifatkan telah melakukan perbuatan itu atau meninggalkan perbuatan itu di dalam Malaysia.

(2) Apa-apa prosiding terhadap mana-mana orang di bawah seksyen ini yang boleh menghalang prosiding yang berikut terhadap orang itu bagi kesalahan yang sama jika kesalahan itu dilakukan di dalam Malaysia, hendaklah menjadi penghalang kepada prosiding lanjut terhadapnya di bawah mana-mana undang-undang bertulis yang berhubungan dengan ekstradisi orang berkenaan dengan kesalahan yang sama di luar Malaysia.

Peraturan-peraturan

62. (1) Menteri boleh membuat peraturan-peraturan yang perlu atau suai manfaat bagi memberikan kuat kuasa penuh kepada peruntukan Akta ini.

(2) Tanpa menjelaskan keluasan subseksyen (1), peraturan-peraturan boleh dibuat—

- (a) untuk menetapkan tatacara yang hendaklah diikuti oleh anggota Pihak Berkuasa Kebangsaan pada menjalankan fungsi mereka di bawah Akta ini;
- (b) untuk menetapkan apa-apa borang bagi tujuan Akta ini;
- (c) untuk menetapkan mengenai apa-apa maklumat yang hendaklah dikemukakan dan apa-apa perisytiharan yang hendaklah dikemukakan bagi tujuan Akta ini;
- (d) untuk menetapkan tatacara bagi membuat permohonan untuk mendapatkan kebenaran dan penentuan persoalan-persoalan berkaitan dengan pengeluaran dan penarikbalikan kebenaran dan syarat-syarat yang akan dikenakan pada kebenaran itu dan tatacara berkaitan dengan rayuan;
- (e) untuk menetapkan tatacara bagi permohonan perakuan pengguna akhir, dan syarat-syarat yang akan dikenakan pada perakuan pengguna akhir itu;
- (f) untuk menetapkan fi yang kena dibayar di bawah Akta ini dan cara bagi memungut dan mengendalikan fi itu;

- (g) untuk menetapkan bentuk daftar yang kena disimpan dan di senggara oleh tuan punya kemudahan dan maklumat yang kena direkodkan dalam daftar itu;
- (h) untuk mengadakan peruntukan bagi apa-apa perkara di bawah Akta ini yang dikehendaki atau dibenarkan ditetapkan atau yang perlu dan suai manfaat untuk ditetapkan.

JADUAL 1

BAHAN KIMIA TOKSIK

(Bab 1 dan 2)

(nombor daftar
Khidmat Abstrak Kimia)

A. Bahan kimia toksik (tidak termasuk prekursornya):

1. O-Alkil (<math>< C_{10}></math> termasuk sikloalkil) alkil
(Me, Et, n-Pr atau i-Pr)- fosfonofluoridat

misalnya Sarin: O-Isopropil metilfosfonofluoridat (107-44-8)
Soman: O-Pinakolil metilfosfonofluoridat (96-64-0)
2. O-Alkil OsC₁₀, termasuk sikloalkil) N,N-dialkil
(Me, Et, n-Pr atau i-Pr) fosforamidosianidat

misalnya Tabun: O-Etil N,N-dimetil fosforamidosianidat (77-81-6)
3. O-Alkil (H atau <math>< C_{10}></math> termasuk sikloalkil) **S-2-dialkii**
(Me, Et, n-Pr atau i-Pr)- aminoethyl alkil
(Me, Et, n-Pr atau i-Pr) fosfonothiolat dan garam beralkil atau berproton yang bersamaan

misalnya VX: O-Etil S-2-diisopropilaminoethyl metil fosfonothiolat (50782-69-9)
4. Mustard sulfur

2-Kloroetilklorometilsulfida (2625-76-5)
Gas mustard: Bis(2-kloroetil)sulfida (505-60-2)
Bis(2-kloroetilthio)metana (63869-13-6)
Seskuimustard: 1, 2 Bis(2-kloroetilthio)etana (3563-36-8)
.3- Bis(2-kloroetilthio)-n-propana (63905-10-2)
.4- Bis(2-kloroetilthio)-n-butana (142868-93-7)
.5- Bis(2-kloroetilthio)-n-pentana (142868-94-8)
Bis(2-kloroetilthiometil)eter (63918-90-1)
O-Mustard: Bis(2-kloroetilthioetil)eter (63918-89-8)

Lewisites

- Lewisite 1: 2-Klorovinildikloroarsin (541-25-3)
 Lewisite 2: Bis(2-klorovinil)kloroarsin (40334-69-8)
 Lewisite 3: Tris(2-klorovinil)arsin (40334-70-1)

(nombor daftar
Khidmat Abstrak Kimia)

6. Mustard nitrogen	
HN1: Bis(2-kloroetil)etilamina	(538-07-8)
HN2: Bis(2- kloroetil)metylamina	(51-75-2)
HN3: Tris(2- kloroetil)amina	(555-77-1)
7. Saxitoksin	(35523-89-8)
8. Risin	(9009-86-3)

B. Prekursor:

9. Alkil (Me, Et, n-Pr atau i-Pr) fosfonildifluorida	
misalnya DF: Metilfosfonildifluorida	(676-99-3)
10. O-Alkil (H atau <Cio, termasuk sikloalki!) 0-2-dialkil (Me, Et, n-Pr atau i-Pr)- aminoetil alkil (Me, Et, n-Pr atau i-Pr)- fosfonit dan garam beralkil atau berproton yang bersamaan	
misalnya QL: O-Etil 0-2-diisopropilaminoetil metilfosfonit	(57856-11-8)
11. Klorosarin: O-Isopropil metilfosfonokloridat	(1445-76-7)
12. Klorosoman: O-Pinakolil metilfosfonokloridat	(7040-57-5)

JADUAL 2

BAHAN KIMIA TOKSIK

(Bab 1 dan 3)

(nombor daftar
Khidmat Abstrak Kimia)**A. Bahan kimia toksik (tidak termasuk prekursornya):**

1. Amiton: 0,0-Dietil S-[2-(dietilamino)etil]	
fosforothiolat	(78-53-5)
dan garam beralkil atau berproton yang bersamaan	
2. PFIB: 1,1,3,3,3-Pentafloro-2-(triflometil)-1-propena	(382-21-8)

3. BZ: 3-KuinuklidiniI benzilat (*)	(6581-06-2)
-------------------------------------	-------------

B. Prekursor:

4. Bahan kimia, kecuali yang disenaraikan dalam Jadual 1, yang mengandungi atom fosforus yang kepadaanya terikat satu kumpulan metil, etil atau propil (normal atau iso) tetapi bukan atom karbon selanjutnya,	
--	--

misalnya	Metilfosfonil diklorida	(676-97-1)
	Dimetil metilfosfonat	(756-79-6)

Pengecualian:	Fonofos: O-Etil S-fenil	
	etilfosfonothiolothionat	(944-22-9)

(nomor pendaftaran
bahan kimia)

5. N,N- Dialkil (Me, Et, n-Pr atau i-Pr) fosforamidik dihalida
6. Dialkil (Me, Et, n-Pr atau i-Pr) N,N-dialkil (Me, Et, n-Pr atau i-Pr)-fosforamidat
7. Arsenik triklorida (7784-34-1)
8. Asid 2,2-Difenil-2-hidroksiasetik (76-93-7)
9. Kuinuklidin-3-ol (1619-34-7)
10. N,N-Dialkil (Me, Et, n-Pr atau i-Pr) aminoethyl-2-klorida dan garam berproton yang bersamaan
11. N,N-Dialkil (Me, Et, n-Pr atau i-Pr) aminoetana-2-ol dan garam berproton yang bersamaan

Pengecualian: N, N-Dimetilaminoetanol dan garam berproton yang bersamaan N,
N-Dietilaminoetanol dan garam berproton yang bersamaan (108-01-0)
(100-37-8)
12. N,N-Dialkil (Me, Et, n-Pr atau i-Pr) aminoetana-2-thiol dan garam berproton yang bersamaan
13. Thiodiglikol: Bis(2-hidroksietil)sulfida (111-48-8)
14. Pinakolil alkohol: 3,3-Dimetilbutan-2-ol (464-07-3)

JADUAL 3
BAHAN KIMIA TOKSIK
(Bab 1 dan 3)

(nomor daftar
Khidmat Abstrak Kimia)**A. Bahan kimia toksik (tidak termasuk prekursornya):**

1. Fosgena: Karbonil diklorida (75-44-5)
2. Sianogen klorida (506-77-4)
3. Hidrogen sianida (74-90-8)
4. Kloropikrin: Trikloronitrometana (76-06-2)

B. Prekursor:

5. Fosforus oksiklorida (10025-87-3)
6. Fosforus triklorida (7719-12-2)
7. Fosforus pentaklorida (10026-13-8)
8. Trimetil fosfit (121-45-9)
9. Trietil fosfit (122-52-1)

(nomor daftar
Khidmat Abstrak Kimia)

10. Dimetil fosfit	(86S-85-9)
11. Dietil fosfit	(762-04-9)
12. Sulfur monoklorida	(10025-67-9)
13. Sulfur diklorida	(10545-99-0)
14. Thionil klorida	(7719-09-7)
15. Etildietanolamina	(139-87-7)
16. Metildietanolamina	(105-59-9)
17. Trietanolamina	(102-71-6)

HURAIAN

Rang Undang-Undang ini bertujuan untuk menguatkuasakan Konvensyen tentang Larangan Penghasilan, Pengeluaran, Pengumpulan Stok dan Penggunaan Senjata Kimia dan tentang Pemusnahannya ("Konvensyen") dan bagi perkara-perkara yang berkaitan dengannya.

BAHAGIAN I

2. Bahagian I mengandungi perkara-perkara permulaan.

Fasal 1 mengandungi tajuk ringkas dan bertujuan untuk membenarkan Menteri menetapkan tarikh permulaan kuat kuasa Akta.

Fasal 2 bertujuan untuk mengadakan peruntukan tentang pemakaian Konvensyen di Malaysia.

Fasal 3 bertujuan untuk mentakrifkan perkataan dan ungkapan tertentu yang digunakan dalam Akta yang dicadangkan.

Fasal 4 menyatakan bahawa sekiranya terdapat apa-apa percanggahan atau ketidakselarasan dengan undang-undang lain yang berkaitan dengan senjata kimia, agen kawalan rusuhan, bahan kimia toksik yang dimaksudkan bagi tujuan yang tidak dilarang, dan bahan kimia organik diskret, Akta yang dicadangkan adalah terpakai.

Fasal 5 mengadakan peruntukan tentang pelantikan Inspektor Kebangsaan dan pegawai lain bagi tujuan Akta yang dicadangkan.

BAHAGIAN II

3. Bahagian II mengandungi peruntukan yang berhubungan dengan penubuhan Pihak Berkuasa Kebangsaan.

Fasal 6 mengadakan peruntukan tentang penubuhan Pihak Berkuasa Kebangsaan sementara *fasal 7* memperkatakan fungsi dan kuasanya.

Fasal 8 bertujuan untuk membolehkan Pihak Berkuasa Kebangsaan melantik jawatankuasa.

Fasal 9 bertujuan untuk membolehkan Pihak Berkuasa Kebangsaan mewakilkan fungsi atau kuasanya.

Fasal 10 bertujuan untuk memberikan kuasa kepada Menteri untuk mengeluarkan arahan kepada Pihak Berkuasa Kebangsaan.

Fasal 11 memperkatakan tempoh jawatan, peletakan jawatan dan pemecatan jawatan dan elaun Pengerusi Pihak Berkuasa Kebangsaan.

Fasal 12 bertujuan untuk memberikan kuasa kepada Menteri untuk melantik Pengerusi sementara.

Fasal 13 hingga *17* mengadakan peruntukan tentang perkara-perkara yang berhubungan dengan mesyuarat Pihak Berkuasa Kebangsaan, pelantikan Setiausaha dan kuasa untuk membuat kaedah-kaedah untuk mengawal selia mesyuarat itu.

BAHAGIAN III

4. Bahagian III mengandungi peruntukan yang berhubungan dengan larangan mengenai senjata kimia dan agen kawalan rusuhan.

Fasal 18 dan *19* menyenaraikan perbuatan yang dilarang berhubung dengan masing-masing senjata kimia dan agen kawalan rusuhan.

BAHAGIAN IV

5. Bahagian IV mengandungi peruntukan yang berhubungan dengan bahan kimia toksik.

Fasal 20 mengadakan peruntukan tentang larangan dan pengecualian mengenai pengeluaran, pemerolehan, penyimpanan, pemindahan atau penggunaan bahan kimia toksik.

Fasal 21 hingga *30* memperkatakan perkara-perkara berkenaan dengan bahan kimia toksik yang disenaraikan dalam Jadual 1.

Fasal 31 hingga *35* memperkatakan perkara-perkara berkenaan dengan bahan kimia toksik yang disenaraikan dalam Jadual 2 dan 3.

Fasal 36 dan 37 memperkatakan perkara-perkara berkenaan dengan bahan kimia organik diskret.

BAHAGIAN V

6. Bahagian V mengandungi peruntukan yang berhubungan dengan pemeriksaan antarabangsa.

Fasal 38 bertujuan untuk memberikan kuasa kepada Menteri untuk mengeluarkan kepada mana-mana anggota pasukan pemeriksa Urus Setia Teknikal Pertubuhan suatu perakuan untuk menjadi Inspektor Antarabangsa.

Fasal 39 dan 40 bertujuan untuk mengadakan peruntukan tentang kuasa Inspektor Antarabangsa dan anggota Pihak Berkuasa Kebangsaan berhubung dengan pemeriksaan antarabangsa.

Fasal 41 dan 42 memperkatakan perkara-perkara yang berhubungan dengan waran bagi pemeriksaan yang dijalankan oleh Inspektor Antarabangsa dan penggunaan kekerasan, jika perlu, untuk masuk ke dalam mana-mana kemudahan yang dinyatakan dalam waran tersebut.

BAHAGIAN VI

7. Bahagian VI mengandungi peruntukan yang berhubungan dengan kuasa penguatkuasaan dan penyiasatan.

Fasal 43 hingga 57 memperkatakan perkara-perkara yang berhubungan dengan kuasa penguatkuasaan dan penyiasatan, penggeledahan dan penyitaan tanpa waran, akses kepada data berkomputer, pelucutahan senjata kimia dan perlindungan pemberi maklumat.

BAHAGIAN VII

8. Bahagian VII mengandungi peruntukan yang berhubungan dengan perkara-perkara pelbagai.

Fasal 51 hingga 62 memperkatakan perkara-perkara yang berkaitan dengan notis bagi pendedahan maklumat, perlindungan pegawai, permulaan pendakwaan di bawah Akta yang dicadangkan, kesalahan oleh pertubuhan perbadanan dan kesalahan di luar Malaysia.

IMPLIKASI KEWANGAN

Rang Undang-Undang ini akan melibatkan Kerajaan dalam perbelanjaan wang tambahan yang amanannya belum dapat ditentukan sekarang ini.

[PN(U²)1985]